

Тропарь, кондак и молитва праведному Павлу Таганрогскому



16 апреля 2016 г. 22:09

Тексты тропаря, кондака и молитва святому праведному Павлу Таганрогскому утверждены решением Священного Синода от 16 апреля 2016 года ([журнал № 15](#)).

Тропарь, кондак и молитва святому праведному Павлу Таганрогскому

Тропа́рь, глас 4:

Взыску́я Оте́чества Небе́снаго,/ до́м роди́телей твои́х оста́вил еси/ и, тле́нная бога́тства ми́ра презре́в,/ воздержа́нием и труды́ моли́тву умную́ стяжал еси́./ Те́мже, мно́гими чудесы́ и зна́меньями от Го́спода прославився,/ с ве́рою приходи́щим к тебе́ во вся́цех напа́стех помога́еши:/ праведне о́тче Па́вле,/ моли́ Христа́ Бо́га, // спасти́ся душа́м на́шим.

Конда́к, глас 8:

Силу́ Божию́ в немощи́ стяжал еси/ и божество́вныя благодати́ сосуд избра́нный явился еси,/ темже от Небесного́ Врача́ дар исцеления́ приим,/ недуги́ наша́ телесныя́ и душевныя́ врачуеши,/ праведне о́тче Па́вле, моли́ Христа́ Бо́га/ спасти́ гра́д и лю́ди, тя почита́ющия.

Моли́тва

ко свято́му пра́ведному Па́влу Тага́нрогскому:

О, вели́кий уго́днице Бо́жий и чудотво́рче, о́тче Па́вле! Ты́, на высоту́ добродете́лей возше́д, я́ко пресве́тлая звезда́, житие́м твои́м возсия́л еси́ и, страна́ческое жи́тельство избра́в, ми́ра сего́ кра́сная ни во что́же вмени́л еси́. Те́мже Всепра́ведный Судия́ мно́гими чудесы́ тя просла́ви, ду́шу же твою́ святу́ю в небе́сныя оби́тели всели́, иде́же, любве́ Бо́жия наслажда́ясь, на́ша ну́жды зриши и проше́ния слы́шиши. Сего́ ради́ бу́ди на́м в недúзех целите́ль, по мо́рю пла́вающим ко́рмчий, и утопа́ющим благонаде́жное избавле́ние. О, Па́вле блаже́нне, испроси́ все́м, во вся́цей ну́жде су́щим, и ко твоему́ засту́плению́ прибега́ющим, вся́кий да́р коему́ждо благопотре́бен: ве́ры и любве́ преспе́яние, благоче́стия умно́жение, ми́ра утвержде́ние, больны́м исцеление́, печа́льным утеше́ние, бе́дствующим по́мощь, оби́димым заступле́ние. И сподо́би ны, уго́днице Бо́жий, моли́твами твои́ми благоче́стно жити́е

земно́е сконча́ти, Небе́сное Ца́рствие и живо́т ве́чный унасле́дити со все́ми святы́ми во
ве́ки веко́в. Ами́нь.